



Sòtziu poeticu Silanesu “Frantziscu Mura”

Silanus

assopoetica.silanus@tiscali.it

II° prèmiu de poesia in limba sarda

“Modas”

BANDU

Su Sòtziu Poeticu Silanesu “Frantziscu Mura” in su cherrer dare lughe e importu a sa limba, sa cultura sarda e a sa sienda manna de sa poesia nostra, pro mèdiu de sas formas e maneras prus de apentu e virtuosas de su fagher poesia, contivizat su II° Prèmiu de Poesia in limba sarda “Modas”

RÈGULAS PRO LEARE PARTE A SU PRÈMIU:

1. Su Prèmiu est partidu in duas partes sèberas; una pro sas òperas cunsideradas comente “Modas” e-i s’àtera pro sas òperas cunsideradas comente “Modellos”; duncas podent leare parte a su Prèmiu petzi sas òperas chi sunt contivizadas sighinde sas règulas e-i sas formas connotas pro sas modas e-i sos modellos.
2. Si podet leare parte a su prèmiu cun òperas iscrìtas in cale si siat variante de sa Limba Sarda; e ant a èsser atzetadas fintzas cussas iscrìtas segundu sas règulas de sa LSC (Limba Sarda Comuna);
3. Sas òperas ant a dever esser frimàdas cun d-unu istrivintzu o fintzas cun d-una o prus peràulas de fantasia e imbiadas in busta serrada a sa Segreteria de su prèmiu; in sa busta, paris cun sas còpias de s’opera, si devet ponner un’àtera busta serrada intro de sa cale divent resurtare iscrìtos nùmene e sambenadu, logu e data de naschida, s’abitu (carrela, nùmeru, bidde e cap) e nùmeru de telefono de su poeta e, si l’at, fintzas s’indiriztu de posta eletrònica (email).
4. Sas òperas ant a dèver esser imbiadas in 8 (oto) còpias iscrìtas a màchina, a computer o si sunt iscrìtas a manos, charent in istampatello pro chi andet bene a las lezer e, a preferèntzia, in fozos de pabìlu A4 (cm 21,3 x 29,7)
5. Sas òperas presentadas, non divent èsser istadas impreatadas in liberos o cale si siat àtera forma innantis de custu bandu e nemancu podent àer tentu prèmios, mentziones de cale si siat manera in àteros prèmios o cuncursos ;
6. Sas poesias s’ant a dever imbiare cun posta ordinaria o (menzus) cun Racumandada a s’abitu de sa Segreteria de su Sòtziu, chi est custu: Sòtziu Poèticu “Frantziscu Mura” Silanos - Segreteria organizzativa c/o Cuccuru Anzela Maria, Carrela de S. Antoni, 8 Silanos (NU) 08017; intro de sa data de Lunis 20 de Santuaini 2014. Pro chi s’imbiu de sas òperas siat cunsideradu fatu in tempus zustu, contat sa die de su timbru de sas Postas.
7. Sas òperas ant a esser premiadas da-e una Zuria numenàda a posta; su chi detzìdit sa Ziuria est che sentèntzia e abarrat gai.
8. Sas òperas no ant a èsser torradas a sos poetas; addurant de propiedade a su sòtziu Poèticu chi ant contivizadu su prèmiu chi las at a poder impitare pro cale si siat cosa sena àer perunu òbrigu, dèpidu o àtera forma de cumpensu cun sos poetas autores, chi ant a esser pètzi numenàdos d-onzi orta chi su Sòtziu at a impreare sa poesia issoro e de sa cale restant meres.
9. A su prèmiu si leat parte sena paga perùna e nudda si devet pagare pro si che iscrìer;

10. Su sòtziu, si bi diat esser su bisonzu, tenet diritu de currezer (petzi in s'ortografia) sas òperas mandadas da sos poetas;
11. D-onzi poeta si che podet iscrriere in ambas duas partes de su prèmiu (Modas e Modellos) fintzas cun prus de un òpera, prus a prestu, no at a poder leare prus de unu prèmiu o mentzione in donz'una de custas partes.
12. Chie non dat cara e no si cunformat a custas regulas benit postu a banda dae su prèmiu in cale si siat mamentu;

PARTES

MODAS “prèmiu Frantziscu Mura”.

Sos poetas divent prodùer sas òperas segundu sa manera e sa forma connota de sa Moda; cun **s'Istèrrida, sos Fiores e sas Retrògas**; bastat chi bi siat custa forma, su poeta at libertàde de fagher comentu prus l'agradat pro su restu.

In sa busta de s'imbiu si bi devet iscrir **“Setzione Modas”**

MODELLOS “prèmiu Toni Manca”.

Sos poetas divent prodùer sas òperas segundu sa manera e sa forma connota e impitada pro sos “Modellos” (pro unu narrer, Settilla, Battoro Retrogradu, Sesta a Puntu in Mesu, Ses Revessu, Doighi Travadu, Degheotto a Pala Imbesse, Trintaduos, Trintases Retrogradu o Fioridu e Tentu a Màglia e gai sghinde);

S'ant a leare in cussidèru mannu “modellos” imbentados a nou pro su prèmiu. Cando si presentat unu Modellu nou, su poeta at s'òbrigu de iscrir in pagas rigas sa forma e sa manèra cun sa cale l'at cuncordadu. Devent impitare custa regula totus sos poetas, sos cales ant a divent dare semper indicu de sa forma e su nùmene de su Modellu chi ant impitadu. In sa busta de s'imbiu si bi devet iscrir **“Setzione Modellos”**

Su Sòtziu Poèticu Silanesu “Frantziscu Mura”- a banda de sos prèmios pro sas partes “Modas” e “Modellos” – at a pòder dare unu o prus àteros prèmios a poesias presentadas a su prèmiu chi, pro su pàrrer de su sòtziu, tenent mèritos de importu mannu pro sos temas e sos argumentos chi tratant.

AVISOS:

- De sa die chi s'ant a dare sos prèmios e de totu sos àteros indicos, su Sòtziu nd'at a dare contu cun totu sos mezos e in donzi manera in tota sa Sardigna (sos giornales, Internet, Facebook, ràdios e televisiones sardas); Solu a sos poetas chi sa Giurìa at aer dezìsu de premiare, su sòtziu at a mandare avisu in posta o pro telefono.

NOVAS DE SU PREMIU E DE SAS REGULAS

In modu de fagher ischire a cantu prus zente si podet de sas novas de su **II° prèmiu Poeticu “MODAS”** e de sas regulas pro nde poder leare parte, su sòtziu Poeticu “Frantziscu Mura” in prus de sos giornales sardos at a publicare fintzas in custos sites Internet su bandu de su prèmiu:

www.conchidortos.org

www.gruppopolksilanus.it

www.tradissionespopulares.it

www.tenore-santasarbana-silanus.it

Indicu pro Facebook

<https://www.facebook.com/pages/premiu-de-poesia-Modas-Silanus/546596695466002?ref=hl>